

Landesbibliothek Oldenburg

Digitalisierung von Drucken

**Das Jeverland unter dem Drostem Boynck von Oldersum in
den Jahren 1527 - 1540**

Gramberg, Ernst

Marburg a. L., 1898

Titelblatt

urn:nbn:de:gbv:45:1-6742

Kriegsartikel

aus der Zeit

des Fräulein Maria.



Kriegsartikel

von dem Kaiser

des Heiligen Römischen Reichs



I. ¹⁾

Wy Anna unde Margyke ghesustere unde ghebaren dochtere tho Jever etc, szo wy itzundt itlyke landesknechte in unser vorsoldynghe hebben, also den mant de [knecht]²⁾ veer Emden gulden, des sollen de lantzknacht laven unde sweren up dysse nafolgen artykel, so lange wy orer bedarven unde soldynghe nycht rusteren.

To dem ersthen sollen de lantzknacht XXVIII dage denen in dat mant, unde so dat uth ys sal me ore besoldynghe (alse IIII gulden) gheven unde wol betalen. So ock dat hus belagert worde unde eyn storm edder meer anhebracht, so ofte dat gheschege, sal eynes ideren maent ut unde an ghan.

Tom anderen, szo jenyeh lantzknacht van Gades wegen [in]²⁾ krancheyt edder susten gheschotten in jenygen scaden keme des heren halven, sal me omme ore besoldynghe gheven, dewyle de krancheyt wart; unde so jemens to dode queme, sal me synen lantzluden syne besoldynghe gheven laten.

Thom drudden solt de landesknecht nyne moeyteryghe macken up dem huse, noch myt worden ofte wareken, unde wen auversten sodan ankeme, sal ghestrafft warden na erkentnyse des rechten.

Thom veerden, szo de knechte uneyns myt eynander worden, unde syck vam huse slan wolden, sal me se nycht aff laten; unde de negesten de dar by synt, solt se in gude vordragen. Unde [de]²⁾ syck solches nycht wyl handelen laten, sal me se up eyn nochteren morgen vor de porten tosamen slan laten, unde de negest dar by unpartyeck der sake frede nemen solt na older herkomst; unde so se nycht frede gheven wolden, sal me deselven erstecken unde nycht eyn foet dar van tho entwycken. Ock sal eyn ider den frede holden so lange he den heren denet unde nemens partheyeck frede nemen. Ock sal syck nemens aver den anderen rotten; ofte dar we baven dede, sal ghestraffet warden na erkentnyse des rechten.

Thom vefthen sal eyn ider syne wacht unde tocht holden na older ghewanheyte unde kryges gebrueck up orden unde plassen dar eyn ider bescheyden wart, dem wachmeyster unde bevelhebers gut ghehor gheven, by dage unde nacht, by rotten, twe edder dre, wo syck dat begheven werth. So eyne dat affsloge sal gestraffet warden am lyve sunder gnaden.

Thom sesthen, so syck de sake begeve, dat dyt hus belecht worde, so sal keyn lantzknacht myt den vyenden spracke holden sunder verloef der edlen unde wolgebaren freykens unde des drosten.

Thom sevenden, szo dat hus belacht worde, sal keyner syck an kocken edder sluters vorgryppen unde den quartermeyster laten raden unde demselven nyne insperynghe tho macken. De demselven nycht na enkunt, sal ghestraffet warden na erkentnyse des rechten.

1) Diese Artikel sind so flüchtig und nachlässig geschrieben, dass der Wortlaut mitunter keinen Sinn giebt, wenn man auch meistens erraten kann, was gemeint ist.

2) Das in [] Gesetzte fehlt O.